

POZIV NA PODNOŠENJE PRIJAVA JEDINICA LOKALNE SAMOUPRAVE U BOSNI I HERCEGOVINI

**Za učešće u implementaciji Projekta integriranog lokalnog razvoja (ILDP), kojeg finansira
Švicarska agencija za razvoj i saradnju i UNDP u BiH**

**i projekta „Jačanje lokalne demokratije/demokratije III“ (LOD III), kojeg finansira Evropska
unija i UNDP u BiH**

**OBAVIJEST
O POZIVU NA PODNOŠENJE
PRIJAVA**

1. UVODNE INFORMACIJE

Ovaj Poziv na podnošenje prijave jedinica lokalne samouprave (JLS) u Bosni i Hercegovini (BiH) je zajednički poziv projekata „Projekat integriranog lokalnog razvoja“ (ILDP) i „Jačanje lokalne demokratije/demokratije III“ (LOD III) koji predstavljaju ključne inicijative šireg Programa lokalne uprave i lokalnog razvoja Razvojnog programa Ujedinjenih naroda (UNDP) u BiH.

ILDP, čija će se druga faza implementirati u periodu od 2012. do sredine 2015. godine, je partnerska inicijativa, koju primarno finansira Švicarska agencija za razvoj i saradnju (SDC), a implementira UNDP u BiH u saradnji sa Ministarstvom za ljudska prava i izbjeglice BiH, Ministarstvom uprave i lokalne samouprave RS, Federalnim ministarstvom pravde i oba Saveza općina/opština i gradova. U toku prve faze, koja je trajala od 2008. do 2011. godine, ILDP je pružao podršku harmonizaciji strateškog planiranja na lokalnom nivou u BiH i razvoju kapaciteta JLS-ova u upravljanju razvojnim procesima. U okviru Projekta izrađena je i institucionalizirana standardizirana „Metodologija za planiranje lokalnog razvoja“ (MiPRO), koja služi kao vodič u procesima strateškog planiranja na lokalnom nivou u BiH. Tokom 2010. i 2011. godine, MiPRO je praktično primjenjena u 23 JLS-a u BiH, što je rezultiralo stvaranjem nove generacije integriranih razvojnih strategija, operativno povezanih sa budžetima JLS-ova i vertikalno usklađenih sa strategijama viših nivoa vlasti.

Kao nadogradnju ovim rezultatima, ILDP će, u toku druge faze, pružiti podršku daljnjoj konsolidaciji sistema strateškog planiranja na lokalnom nivou u BiH kroz jačanje vertikalne integracije unutar okvira strateškog i finansijskog planiranja na višim nivoima vlasti, podršku kritičnoj masi JLS-ova u provođenju harmoniziranog pristupa strateškom planiranju i efektivnom vođenju razvojnih procesa na lokalnom nivou u saradnji sa lokalnim zajednicama. Tačnije, ILDP će pružiti podršku partnerskim JLS-ovima pri izradi integriranih razvojnih strategija, te njihovoj efektivnoj realizaciji kroz tehničku pomoć, obuku i finansijsku podršku prioritetnim projektima.

Projekat „Jačanje lokalne demokratije/demokratije III“ (LOD III) finansira Evropska unija (EU) iz sredstava Instrumenta za predpristupnu pomoć - IPA, a implementira UNDP BiH u trajanju od 24 mjeseca (juni 2012. – maj 2014. godine).

LOD III projekat je nastavak aktivnosti UNDP-a BiH provedenih kroz projekte LOD I i LOD II, u periodu od 2009. do 2012. godine, u 29 partnerskih jedinica lokalne samouprave. Cilj projekta je da doprinese demokratskoj stabilizaciji, pomirenju i daljnjem razvoju BiH, kroz podršku odabranim JLS-ovima u uspostavljanju boljih odnosa između lokalnih vlasti i civilnog društva, te stvaranju finansijskih mehanizama za unaprijeđeno pružanje usluga. Ukupno 149 projekata organizacija civilnog društva (OCD) je finansirano kroz projekte LOD I i LOD II čime je nadograđena postojeća baza OCD-ova koja u budućnosti može adekvatno provoditi projekte po standardima EU grant šeme.

Kao i u prethodna dva projekta, JLS-ovima će biti pružena podrška u daljem razvoju i usavršavanju transparentnih mehanizama za raspodjelu sredstava namijenjenih za finansiranje projekata OCD-a. Također, kroz učešće u projektu LOD III, partnerske JLS i OCD će imati mogućnost unaprijediti svoje interne kapacitete u pogledu provedbe i nadzora projekata prema principima upravljanja projektnim ciklusom, što će rezultirati stvaranjem pretpostavki za opravdanost povećanja budžetskih sredstava za finansiranje projekata koje provode OCD-ovi u lokalnim zajednicama. Transparentno finansiranje projekata OCD-a će doprinijeti jačanju saradnje između dva sektora i povećati efikasnost kod rješavanja lokalnih pitanja na koja OCD i lokalne vlasti mogu da odgovore.

2. RAZLOZI OBJAVE POZIVA

ILDP i LOD su komplementarni projekti i predstavljaju stratešku orijentaciju UNDP-a u BiH i njihovih partnera, Evropske unije i Švicarske agencije za razvoj i saradnju, ka lokalnoj upravi i lokalnom razvoju, a aktivnosti oba projekta obuhvataju rad sa jedinicima lokalne samouprave i civilnim društvom kako bi ojačale njihovo partnerstvo u procesima planiranja, ispunjenja potreba na lokalnom nivou, rješavanju socio-ekonomskih izazova i poboljšanju pružanja usluga građanima.

Kako bi osigurali bolju sinergiju i dodatnu vrijednost individualnim naporima svakog od projekata, putem ovog Poziva na podnošenje prijava, ILDP će odabrati približno 20, dok će LOD III odabrati 10 partnerskih JLS-ova.

Poziv se sastoji iz dva osnovna paketa Smjernica, relevantnih za pojedinačne projekte, kako slijedi:

Paket I: ILDP: Smjernice za podnosiocima prijave, prijavni obrazac i dodatni dokumenti

Paket II: LOD III: Smjernice za podnosiocima prijave, prijavni obrazac i dodatni dokumenti

Stoga, zainteresirane JLS mogu dostaviti svoje prijave na učešće u samo jednom ili u oba projekta.

3. KLJUČNI PRINCIPI ODABIRA NOVIH PARTNERSKIH JEDINICA LOKALNE SAMOUPRAVE

Ključni principi odabira partnerskih JLS-ova uzimaju u obzir postojeću socio-ekonomsku situaciju i lokalni kontekst u BiH, čime se omogućava nepristrasan, transparentan i razvojno-orijentiran odabir partnerskih JLS-ova. Krajnji odabir novih partnerskih jedinica lokalne samouprave će izvršiti projektni odbori i jednog i drugog projekta, u skladu sa prijedlogom programskih/projektnih timova zasnovanim na prijavama JLS-ova i rang listi uspostavljenoj na osnovu kriterija odabira.

✓ Cjelovit pristup teritorijskoj pokrivenosti

Oba projekta će osigurati da JLS-ovi, koji će učestvovati u projektima, budu **rasprostranjeni na čitavom teritoriju Bosne i Hercegovine**, pri čemu će se voditi računa o zastupljenosti JLS-ova iz oba entiteta.

✓ Uključivanje JLS-ova različitih po velični, površini, tipu i kapacitetima

Oba projekta će težiti da uključe JLS-ove različitih veličina, površina, tipova i kapaciteta.

✓ Konkurentan pristup

Sve JLS iz BiH, koje zadovoljavaju preduslove imaju jednako pravo učešća u otvorenom, transparentnom i konkurentnom procesu odabira.

✓ Opredjeljenost partnerskih jedinica lokalnih samouprava

Oba projekta će težiti da uključe JLS-ove koji pokažu snažnu opredjeljenost i interes za implementaciju projekata, u skladu sa vlastitim ciljevima i očekivanim rezultatima.

✓ **Dugoročna interakcija JLS-ova sa organizacijama civilnog društva (OCD) i podrška jačanju njihovih kapaciteta**

Oba projekta će težiti da uključe JLS-ove koji efektivno sarađuju sa OCD-ovima, imaju evidentne i aktivne partnerske inicijative sa civilnim društvom, uključuju OCD-ove u donošenje i provođenje odluka i pružaju podršku razvoju kapaciteta civilnog društva.

✓ **Omogućavanje saradnje među JLS-ovima, grupiranja i partnerstva**

Oba projekta će težiti promoviranju efikasnog uvezivanja, grupiranja i kreiranja mogućnosti za saradnju među JLS-ovima, te na taj način omogućiti transfer znanja i repliciranje pozitivnih iskustava.

✓ **Fleksibilan pristup**

Oba projekta će imati fleksibilan pristup u pružanju podrške partnerskim JLS-ovima, uz moguću punu ili ograničenu finansijsku i tehničku pomoć.

✓ **Spremnost JLS-ova da finansijski doprinesu projektnim rezultatima**

Oba projekta će težiti da uključe JLS-ove koji su opredjeljeni da doprinesu ne samo direktnom finansijskom podrškom projektima, već i spremnošću da sufinansiraju druge komplementarne projektne inicijative koje doprinose boljem pružanju usluga i kvalitetu života građana.

✓ **Članstvo JLS-ova u Savezima općina/opština i gradova**

Oba projekta će težiti da uključe JLS-ove koji usko sarađuju sa drugim JLS-ovima širom zemlje u procesima i inicijativama koje doprinose jačoj, odgovornijoj i profesionalnijoj lokalnoj upravi u Bosni i Hercegovini.

4. NAČIN PRIJAVE I UPITI O DODATNIM INFORMACIJAMA I OBJAŠNENJIMA

Pozivaju se sve zainteresovane jedinice lokalne samouprave u Bosni i Hercegovini, koje zadovoljavaju preduslove poziva, da učestvuju u otvorenom i konkurentnom procesu odabira partnerskih jedinica lokalne samouprave za projekte ILDP i LOD III.

Mole se jedinice lokalne samouprave, koje se prijavljuju na poziv, da dostave sve obavezne dokumente za prijavu, onako kako je to pojedinačno naglašeno u dva osnovna paketa Smjernica projekata ILDP i LOD III (tj. **kompletiran i potpisan Prijavni obrazac sa pratećom dokumentacijom i Pismo namjere**). Ukoliko se jedinica lokalne samouprave prijavljuje na oba projekta, dužna je pripremiti i dostaviti dva posebna obrasca za prijavu i dva seta dodatnih dokumenata.

Jedinice lokalne samouprave svoje prijave na učešće i dodatne dokumente (za ILDP, LOD III ili za oba projekta) trebaju dostaviti u zapečaćenoj koverti, u dva originalna primjerka u štampanoj formi, i u jednom elektronskom primjerku (CD ili USB), za projekat za koji se prijavljuju, putem preporučene pošte, privatne poštanske usluge ili lično na sljedeću adresu:

Razvojni program Ujedinjenih naroda u Bosni i Hercegovini (UNDP BiH)

„Projekat integriranog lokalnog razvoja“ (ILDP) i/ili

Projekat „Jačanje lokalne demokratije/demokratije III“ (LOD III)

Maršala Tita 48

71000 Sarajevo

Bosna i Hercegovina

Sve prijave za učešće, u skladu sa ovim Pozivom i pripadajućim Smjernicama, trebaju biti dostavljene najkasnije do [29. juna 2012. godine \(petak\), do 17:00 sati](#).

Prijave na učešće podnešene na druge načine (npr. faks ili email) **neće biti uzete u razmatranje**.

Dodatne informacije i elektronske verzije Smjernica, te pripadajućih prijavnih dokumenata, su dostupne na sljedećim web adresama:

www.undp.ba

www.sogfbih.ba

www.alvrs.com

Za dodatne informacije i objašnjenja mogu se kontaktirati:

ILDП tim:

- **Aida Laković Hošo**, savjetnica za izradu politika, tel. (033) 563 875, e-mail: aida.lakovic-hoso@undp.org.
- **Muamer Obarčanin**, savjetnik za razvoj kapaciteta, tel. (033) 563 760, e-mail: muamer.obarcanin@undp.org.

LOD III tim:

- **Sanja Bokun**, koordinatorica za operacije i grantove, tel. (033) 563 716, e-mail: sanja.bokun@undp.org.
- **Namik Hadžalić**, koordinator za razvoj kapaciteta, tel. (033) 563 716, e-mail: namik.hadzalic@undp.org.

Odgovori će biti prosljeđeni u pisanoj formi, u roku od 2 radna dana po primitku upita.

Kako bi osigurali transparentnost i kvalitetnu informiranost o procesu prijave, oba projekta će, na gore navedenim web adresama, objaviti sažetke odgovora i pojašnjenja na pitanja koja se tiču ovog poziva, a koja pristignu najkasnije do 22. juna 2012. godine.